

NAMIBIA SENIOR SECONDARY CERTIFICATE

FIRST LANGUAGE RUKWANGALI ORDINARY LEVEL 4108/1

PAPER 1 Reading and Directed Writing

2 hours 30 minutes

Marks 70

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimburo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.
- Limburura mapuro **nagenye**.
- Pakera mbili esipero, yidivisoresses netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepero.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

RUHA A

Resa sireswa oso, makura o limburure mapuro ogo naga kwama ko.

Sireswa 1

Sirongwa sokuhulilira monkondwarongero

“Sirongwa sokuhulilira” kwa horokera moruhamukunda gwaFransi Alsace Lorraine omu Vafransi va zumbanesere yita kovakwayita vaPrussia ava ava uyunga eraka lyoRundovesi, moyita ya divikwa Franco-Prussia melima 1870 – 1871. Esanseko kwa li tjanga Alphonse Daudet, ano apa kwa li supipika.

Ame kwa hulilire kuza kosure ngurangura zezuva lina, ntani kwa kere noutjirwe womakuye gamitili gwetu munekuto Hamel, ogu ga tente asi ta ka tu pura mapuro gondongeraka moRufransi ame siruwo oso kwato nampili nkango zongandi na divire. Karuwogona kwa gazarere asi na hepa kuherenzenza ezuva mudima ni ka kare moyihwa. Ezuva eli kwa kere lyewa kwa kunteinta. Yidira kwa dimbilire koyiha youhura womusitu, ano poruzera konyima zohongero yiko va ndererere vakwayita woVaprussia. Egano lyekonakonogona lyondongeraka kapi lya kere lyoureru, nye ame na tokwere kudukira kosure.

Apa na pitire posara (ponzugopongero) zomodoropa tani mono mbunga zovantu zina pongo kositafuralikido nombudi. Nomvhura mbali da ka pita nombudi nadiye donondona yipo adi bubukire – ezumbaneso moyita, muzaro govamati vana kusininika moukwayita ntani marawiro govakurona wovakwayita – yipo na gazarere na hana kuhageka, “nani udigu musinke una kara po ngesi?”

Makura apa na pitire po nongenderera, Wachter muna-ereva (muhambuliyyivera), ogu ga kere po, kumwe nomunona gwendi, age kuna kuresa mbudi ta zigida nge asi “mumati, nayimwesi no genderera ngoso kuza kosure no ka sika tupu siruwo sinzi simpe sina hupu ko!” Ame kwa gazarere asi ta teura nge, nye ame dogoro mosikuninogona ame kuna kuhesagana.

Narunye, nsene sure tazi paturuka, kuyi zuvhira mositarata: omu muhagaro gezogerero lyonombanga tedi-tedi puku di henyesa kumwe noku di gaununa, nerugururo lyoyirongwa yina kuhoroka momuzo gumwe, ntudi kulikwata komatwi ntani no zuvha nawa. Nye posiruwo oso kwa kere emweno. Ame kwa tere egendaguro lyomunekuto Hamel oku ta mbombagura sitawiso sendi positafura, age kwa ya sikire kositafura sange na hana kumudivira, nye nampili ngoso emweno kwa kere ngwendi lyongurangura zoSondaha. Ame kwa mwene pekende awo vakwetu womonkondwarongero zetu nare monombanga dawo, ano munekuto age kuna kugendagura ga za ga tengura siruwo oso kapi ga kere nositawiso sendi mokuwoko. Ame kwa zegwilire nokuhwilira awo vakwetu nare vana hingire. Gazara nye asi ngapi omu na lifire nomuga kumwe noutjirwe.

Kwato eyi ya horokerere nge, munekuto Hamel apa ga mwene nge, makura ta uyunga nombili asi, “mumatigona Franz genderera o ze kombanga zoge. Ose nare tuna vareke ove pwato.”

Ame kwa tagurukire sipundi makura tani hingire pombanga zange. Konyima, ame simpe nokautjirwe kwa ya nongwenene asi murongi kuna porere (kuna dwara), mbayikisa zendi zosinauhako, hema zendi zosiurenga nosikotili sendi sokufuura ga dira kuhwa kudwara sokumuwapera, kakere siruwo somatareropo nomazuva gegavero nonzapo. Kugusa ko oyo sure kwa monekere zina litjindji kumwe nokumwena. Simwe esi sa tetukisire nge yipundi eyi yokonyima ya hwa kupira vantu, vanamukunda kuna hingire katjakara ngosevene; muswamane Hauser, memumbare lyendi lyomakovhu gatatu, mukurona gwanare godoropa, mugendes

goposa gwanare navamwe wokulikarera pepi nawo. Vantu navenye kwa monekere vana guu, ano muswamane ta horora buke zokukurupa za ligonya-gonya konohuro dazo, kwa zi tulire pomaguru gendi age ana zi penuna nomamukende gendi gokuresesa ana kambeke po. Siruwo oso na kere ame tani teda kwanayinye munekuto Hamel ta sunsuka posipundi sendi nezwi lyosinka nelituro ngamoomu tupu ka uyungisa nge asi, “vana vange, esi kuna kara sirongwa sokuhulilira nina ka mu pa. Marawiro kuna tundu koBerlin asi twa hepa kuronga Rundovesi rwelike monosure daAlasce Lorraine. Mungura murongi goRundovesi ta ya siki. Esi kuna kara sirongwa sokuhulilira soRufransi. Na hepa nye mu purakene nawa.”

Nonkango edi kwa vetere nge ngoruvadi! Oh, yinkorama eyi, yiyo yina va vambekere kosara?

Sirongwa sange sokuhulilira somoRufransi! Morwasinke, ya digoperere nge kudiva omu ava tjanga! Kapi ngani lironga hena! Tani hagere nye makura paapa! Oh, ehudi musinke nye lina lyokudira kulironga yirongwa yange, si vhulise kukwama-kwama mauta goyidira koyikorogo noku ka senutuka-senutuka poyiterengenze momukuro pokufu! Nobuke dange da pilire kumoneka mulyo siruwopita, edi ngani dili kuhafera kusimba, ndongeraka ntani masanseko gange govantu wombili, ya ya kara nomulyo asi ngano kapiso hepero ni yi sige. Nagesi munekuto Hamel yikara yokuninka asi ta zi na hena kapi ngatu limona ya ninkisire nge ni divare sina sitawiso sendi ntani ukaro wendi woudona.

Ruhepwee! Momfumwa zosirongwa esi sokuhulilira yiyo ga tulire ko yidwara yendi yokufuura yomoSondaha na ya yi kwete nye egano asi morwasinke vaswamane va hingililire konyima monkondwarongerero. Mokonda zeyi ngava dili kumoneka kosure yiyo nawo va mu zuvhilire nkenda. Ezi kwa kere mpito zawo zokumupandura kweyi ga va ruganenene noupampi ure wonomvhura nomurongo ne yipo va likide mfumwa kosirongo sawo esi sina dili kukara asi sawo hena.

- 1 Limburura epuro 1 (a) dogoro (c) mokutjanga ndanda zina kuliza nelimbururo.
Sihonena: (a) A.

(a) Yisinke nga rugana Franz mevango lyokuninka asi a ze kosure?

- A Kulironga ndongeraka moRufransi.
- B Kulyata ukuruta novakwayita.
- C Kusana yidira moyihwa.
- D Kuvanda moyihwa.

[1]

(b) Sireswa kuna kububura udigu wovantu wokukora komutjima morwa ...

- A wdirwiro murongi gwawo kosurepeke.
- B mukunda kwa gu tjilisire nomazunguruko.
- C varongwa kapi nava lironga hena eraka lyavene.
- D varongwa kapi nava ka genda hena sure.

[1]

(c) Nkango ezi “Kuveta ngoruvadi” yisinke zina kutanta mokukwama omu va zi ruganesa mosireswa?

- A kuhandukisa
- B kulikasa
- C kutetukisa
- D kutukukisa

[1]

- (d) Muhagaro musinke ga ndindilire Franz na zuvha pokusika pepi nosure mezuva oloyo? Tumbura yitwa **yitatu**. [3]
- (e) Yinke ga nongwenene Franz mombudi zomunekuto Hamel kutwaredera mbudi ezi za kere kositafuralikido nombudi? Tumbura yitwa **yivali**. [2]
- (f) Ngapi ga mwene Franz elitjindjo ukaro womunekuto Hamel ezuva lina? Gava yitwa **yivali**. [2]

[10]

- 2 Ngano nyove wa kere Franz mosireswa esi. Tjanga ndimbulitjango (artikel) nazi vhura ku ka moneka mosaitunga konhi zosiparatjangwa oso “Epukururo lyonyanya”. Mokukara ngesi to teda eyi ono lirongere po eyi vana singonona mesanseko lina. Ruganesa mapukururo gana kutunda mosireswa sina ove o ga tamunune pokuruganesa magano ganyaamoge.

Ure wondimbulitjango zoge u sike pokatji kononkango **200 – 250**. [20]

RUHA B

Resa sireswa oso konhi yipo o limburure mapuro ogo naga ka kwama ko.

Sireswa 2

Malivero gohararasi

Vili za kara nongenzo zokurondora za kere korwambete zange monzugo va heheda nge kwa pindwire nge. Ove asi ezogerero mu si lyonyengo. Simpe nompofu tani tokora ni si dimise yipo simpe ni guse po mbali. Konyima zokaruwogona tani pahuka nokutara kontara (komaparafona) zonzugo. Nye sili nina fire mouzuni welirongo ndi? Ndi kuna kukara tupu monkondwa posure zontambo zepeguru (univesiti) yipo ni lirere matumburo goukonentu gononkururongi dononene (vaprofesora)? Tani teda na hana mpili sinka songandi, nampo yina kara nomulyo hena kwange, nsene ni za kevango lyomapwizumukiro noku ka havareka vansima vana kulirunga kwina nondya. Vansima kwa manguruka kugendagura moomu vana hara. Ezuvhoko lyawo lyeyi youzuni lya lisiga unene neli lyovantu. Eharo lyokuhendauka nonkondwarongero kwa vhukire mwange, nye tani li kandura po pangenderera. Kapi na kere nelizuvho nampili nakauke asi ni dumwe nkondwarongero.

Nomakambadaro gomanene tani pinduka kumwe nokundundwira monzugo zokuzoganena na za na tengura ngwendi gogu asi kapi nina hara va nongonone nge; monyima zomulihako gopangenderera nare nina mana kuliwapaikira kuza pomaronderombesa. Ndjato zange kwa ya zi gwene pooposita fura na zi sigire ezuvapita. Kapi na zi paturwire ano nanyamwange kapi na lirongikidire kuza monkondwarongero ngamoomu ya fira.

Pokupwaga ponze tani dimburura asi kwa kere ngurangura zomurokwa. Eguru nalinnye kwa kere lina mbundwirwe maremo gomasovagani ko, mvhura kuna kuroka nokuvarakata kumwe nonombadi. Pangenderera tani hwilire monzugo kumwe nokuyambura etangwa lyange. Makura tani gazara asi mukarompepo gwangesi kapi gwa hwa kuhoroka ngesi mwaKudumogona; ano nesegasego tani zi kevangorondero. Poku ya sika pomarondero varugendanzira vana limbiriwa morwa elirango lyombesa, sininke sa hwa kuhorauka. Kwange erangapeko lina kwa kere egwanenomo uwa.

Erago asi ya waperere nge moku ya sika nosiruwo monkondwarongero zoyikwaeparu younandima. Nkururongi gwetu ga fumana moyikwaeparu younandima, Gurmail Singh, mukururongi goukonentu nomukwafi mayere. Ehudi lyeli asi ukarodona womonkondwarongero zetu kapi ngau lizi neyi ga tu harerere.

Narumwesi nga dumwa ndi a hulilire kwankenye sirongwa, nye ezuva olo kapi ga ya sikire nosiruwo, sinzi sovarongwa ava ngava hulilire monkondwarongero ngava paterere ponze, kwa pandwire tava ka gu reta mo asi vana kara merago. Apa ga hwililire nkururongi Gurmail Singh monkondwarongero kapisi moomu twa mu diva. Ose kwa mu mwene ana guu, nye kapi ga handukire ndi a moneke asi kuna limbiriwa. Emenyamenyo kapi lya monekere kosipara sendi. Twa divire asi ko yi li yina lilimbi. Kuvhura yi kare asi ukaro wetu una yipa unene, yina kudigopeka yirongwa yendi. Nombili kumwe nehuguvaro yimo tupu noudidimiki ta vareke kuronga sirongwa sendi mokugava madiviso asi esi yiso sirongwa sendi sokuhulilira.

Age kwa varekere nokuhundira egusiropo kwankenye gumwe gwetu ngwendi asi yige munzoni mediro kututompoka. Ose kwa fire situtu kumwe nelizuvho lyonomuga. Ose kwa lizuvhire epiromulyo. Emweno lyendi lyositambo kwa tu twire konomutjima ngorufuro. Kapi pwa kere etjikangohonde, nye ngapa ka wiza utjirwe nokukora. Ruguwo rwina kapi to vhuru kurusemburura. Siruwo sooso ngovarongwa twa divire asi twa mu limbika.

Konyima zokaruwogona ta gendi a ze kositafuratjango, makura ta dadinga kutjanga siparatjangwa sina hama kezeruko lyoyikwaeparu, esi sina kara asi evareko lyosirongwa sendi sokuhulilira, esi ga rongere nawa kupitakana pwanare, yipo a tengwire momukaro gwendi gwa hwa pokurugana neharo kumwe nelituromo. Age kwa fatwilire sirongwa nasinye nawa omu ya fira noureru, eyi ya tu sigilire sitetu ngamoomu ga hwa kuyirugana. Siruwo kwa kere tasi genderere, komeho tu ka dimburure, age nare ana tu rekere noku tu harera erago lyokomeho, makura ta pwaga nemweneno a ka ze. Ose kwa lizuvhire usima nonomuga pokuhagekesa sirugana sendi momukaro gomudona.

Age kwa kere gumwe twa fumadekere nokumulirera mokahorehore. Twa yi divire asi twa mu rugana yoyidona eyi twa mu rambeka. Kuvhura tu pongaike ko silinga tu randere nkururongi gwetu uhwi ndi? Kuvhura nampo nye tu mu randere mbapira zompe zoyikwaeparu younandima, noku zi mu tambeka ngokauhwigona ketu, ka likide rupandu roukonentu ou twa ligavera nendi. Hawe, mpamwe kuvhura a dire kuyihafera morwa ga diva asi vamwe vetu kwa kara noudigu wediwo lyesesu lyoyikwaeparu lyounandima. Sikarata serekero ndi? Kapisi egano lyedona nawa-nawa, nye kuvhura si kare sinunu pokutjanga po magano nomu tuna kulizuvha natuvenye. Monyima zomaliyongo gelitatano, natuvenye tatu ya ligwasana tu tjange mbapira zerekero. Mokukara kwange asi nyame gumwe na mu here unene ya ninkisire va pure nge ni tjange mbapira zina. Ame makura tani gazara asi sirugana musinke esi sosidigu ngesi. Konyima tupu zosiruwo songandi ame kwa hingilire mompungwiranobuke omu na kere simpe a na sikamena nononkango mbali posipepa “Munekuto gokuhara”.

(Kwa tunda mospice of life ga tjanga Chitvah Singh Dhilon The Hindustan Times, momazuva 12 Nkurukudumo 2015)

- 3** Kama malizo pokatji konkareso nomalizuvho govaviyauki aga ga bubuka moyireswa nayinye eyi yivali.

Ure wekamo lyoge u sike pokatji kononkango **200 – 250**.

[20]

- 4** Ngano nyove wa kere musimwitili esanseko eli lyokuhulilira. Twikira zina mbilive zina vyuka konkururongi zen. Ruganesa mapukururo gomosireswa yipo o ga tamunune nomagano ganyaamoge aga no tota po.

Ure wombilive zoge u sike kononkango **200 – 250**.

[20]

BLANK PAGE

